

臺海文獻匯刊

主編 名譽主編

蕭慶偉 鄧文金 施榆生
陳支平 林曉峰

37



廈門大學出版社
XIAMEN UNIVERSITY PRESS

國家一級出版社
全國百佳圖書出版單位

第七期

目要

吳光雲閣浮題



二十三年季秋錄

大岳詩草補遺

大岳詩草補遺

丁汝器署

名譽主編 陳支平 林曉峰

主編 蕭慶偉 鄧文金 施榆生

臺海文獻匯刊

錄梅老子自題

六肚皮集



策劃編輯單位 閩南師範大學閩南文化研究院 廈門大學兩岸關係和平發展協同創新中心



新聞出版改革發展項目

福建省社會科學規劃重大項目（項目編號2014Z001）成果

自版

臺灣銀行季刊

第一卷第五期

第四卷第一期

要目

民主教育
張其成

論邊境環境與教育
林德福

國民教育低我見
何文龍

青年閱讀修養
馮潤芳

臺灣之土地
臺灣之人口
臺灣之教育
臺灣之經濟
臺灣之政治
臺灣之文化

臺灣銀行金融研究

中華民國二十九年十一月十五日

白月譚



海外番夷錄

新聞



臺灣省糖業試驗
研究彙報

第一號

中華民國二十九年十二月

REPORT
OF THE
TAIWAN SUGAR EXPERIMENT STATION

創刊號

本報創刊於民國二十九年十一月十五日，旨在報導國內外新聞，提供讀者參考。本報內容豐富，報導詳實，歡迎各界人士訂閱。

青年臺灣



中華民國國民黨中央編印

長
賀
筆

維西於唐爲吐番東封明萬厯間麗江土知府木氏寔強率麼些
兵攻吐番以巨木作碓崩其碓屠其民徙麼些戍之諸番懼皆降
於是維西及中甸並現隸四川之巴塘裡塘木氏皆有之收其賦
稅內附

本朝初屬於達賴喇嘛康熙時逆藩吳三桂叛其孫世璠割以賂
青海求援維西復淪於吐番後收復以土官羈縻之雍正時以其
爲雲南西北門戶乃分隸鶴慶府移通判治之建城設兵舊頭目
七給土千總銜三土把總銜四分治其地而受約束於通判乾隆

子直斤至

維西見聞

十九年改隸麗江府

滇省視中土爲極高而維西又滇之上游地廣二三百里袤千四百里在浪滄金沙江之岸有土可耕居其民而治焉但兩江之間皆崇山峻嶺道路循沿江一綫江沙產金岸內之山產銀及銅亦滇地所同今取其不同者紀之

近城山環而風不烈氣候稍溫春夏多霖雨秋冬多嵐霧三伏晴明亦必衣絮雨必衣裘四時入夜尤寒八月卽隕霜四月方止九月雨雪十月成片而下踰時盈尺然十一二月雪積數尺而人却可不事重裘夜結堅冰晝則悉融故夏寒甚於他方而冬寒轉遜

康普葉枝在浪滄江干地勢卑氣亦暖環山積雪與近城相似
奔子欄亦在金沙江岸地隘夏炎暑峯頭多雪冬令殊寒

阿墩子近西藏青海雪山亘古引領常見冬嚴寒黃霧頗同塞外
多西北風四月猶雨雪也

栗地坪在城東四十里適維西之路經焉高三十里峻嶺重複緣
溪險仄如階如梯喬木壅蔽上不見日嵐重多雨雖盛夏衣裘三
冬積雪盈丈前者路旁每丈立一高竿離地三尺又繫一橫欄路
被雪積督兵卒循欄往還踐之二三月雪初融人猶可行馬尙慮

陷立夏後路乃出若深山之雪積自上古也近年兵卒路熟雪亦少減不復立竿矣

白銚山在城北一千三百里高四十里九月積雪六月始消七八月已風寒徹骨人升高氣喘口鼻迎風不能呼吸輒僵不甦土人謂之寒瘴一至山頂黃霧四塞五步之外不復見人若高聲言笑卽召拳大之雹人馬多斃

梭石坡在城西北四百里

自城往阿墩子所必由

其山沙石相雜長及三里

下臨浪滄江或風或雨沙卸石頽江干樹木觸之立折人必無風雨方可踏沙以行若行未竟而忽風作人馬以斃聞者屢也別駕

者人物就絡從高順下登彼岸史記所謂竿也數處皆同

麼些唐書有麼些兵元籍麗江明木氏土知府攻取吐番徙麼些居之後漸蕃衍倚山而居覆板爲屋自建設以來男皆剃頭辮髮不冠多以青布纏頭衣盤領袴不掩膝 婦髻向前耳環粗如藤所綴銀銅視家貧富衣白褐及臍爲度以裙爲裳蓋膝爲度不著袴裏臙朐束花布帶女紅皆不習

男婦老幼率喜佩刀爲飾不沐不浴衣不澣雪亦跣足嚴寒則背覆羊皮或白毡近頭人效華服冠履改制而婦妝仍舊

地大戶繁者為土干總土把總下為頭人為鄉約為火頭皆各子

其民子繼弟及世守莫易稱為木瓜

猶華言官也

所屬麼些見皆跪拜

奉物對語屈一膝有事赴愬若不率頭目鞭笞之火頭見土官頭

人則拜而侍坐若賓主為禮俯首以手撫胷久不見及節序則交

拜父母在子有往必告必面出返必拜

俗多畜牛羊及琵琶豬

冬來屠豕去足撐腹醜令如琵琶形

為富農時助頭目工三

日穀將熟取其青者蒸而舂脫粟曰扁米家獻二三升臘奉雞米

元日頭日以酒飯勞之愚氓性情悉不善治生河干山麓可耕之

地多不墾蔬圃果木之利不興惟喜獵愛犬

有易三犢者

穀麥未熟先

以誌親疎。有字跡專取象形人則圖人物則圖物以爲書契。俎高一尺鋪毡踞坐貧則草茵延客肴不過三酒一盂餽餘客攜去。臥無衾禡夜則攢薪置火各以蓆袒裸環睡反側而烘腹背。盛夏亦然富者備衾枕毡禡亦置火露上身烘之。娶以牛羊爲聘頭目家并用馬或至數十。人死無喪服棺以竹蓆爲底盡懸死者衣於柩側而陳設所有頭目家喪則屠羊豕所屬麼些弔皆飯之死無貴賤三日後舁至山厝薪灌酥焚而棄之但取骨炭一寸瘞之每六月五日則祭於瘞所迎神於家炙小豕祭焉三年後

不復祭 病不醫藥延巫禳祝竭貲以酬 俗淫昏閒則男女歌
相悅之詞其詞比體音商以哀彼此唱和每奔合於幽澗深林
喇嘛之長至少長男女皆禮拜佈施無吝貧則釜俎之微亦以奉
若西藏大喇嘛至禮拜佈施益甚得其片紙隻字必厚酬貧者雖
其糞穢亦供奉不怠頭目有二三子必以一爲喇嘛歸則踞坐中
庭父若母皆拜
自設流官以來其人俱恭順畏法讀書識文字者多有之補弟子
員者四人中式武舉一人
古宗卽吐番舊民也是木氏屠未盡者散處於麼些之間爲麼些

爲檐頂綴紅線纓紅綠十字文罽爲衣冬羊裘不表闊袖束帶佩尺五木鞘刀著紅皮靴出入乘馬鞞鞞極麗 婦辮髮下垂綴珊瑚綠松石爲飾衣蓋腹百褶裙蓋臙肋俱彩罽爲之項掛色石數珠裙或文罽襪單革軟底無袴履一婦裝飾有值數百金者 土官頭目剃頭辮髮入城衣冠用華制歸則易之

墾山地種青稞黍麥炒爲麪畜牛羊取酥熬濃茶入酥與麪搗爲縉粍食止拳大一團延客置酒盈尊俾自酌牛羊肉物食不盡以衣裹去食已手脂膩悉揩於衣貴賤皆然其身率羶穢不可近此

其所以爲臭古宗也

兄弟三四恆共一妻指各有玦入房則繫玦於門不紊不爭六兄弟

者乃娶或欲獨妻則謂之不友女家亦不許故土官頭目家非不

裕亦同染汚俗子女互配華人或通其妻亦莫之問也 凡交易

皆與婦人議持數珠會計甚捷他方人商其地類租婦以主貿易

去則婦還古宗收其所生之子女爲酬焉

人死或掛木食鳥或投水食魚或火焚骨棄阿墩子以上人死延

喇嘛誦經三日吹笳而鵬至剝肉食之剝工取髑骨一臙肋骨二

以爲值髑售爲器臙售爲笳也

俱備特形製少異耳。亦知歷法月大小及閏稍有前後日月食
但知時刻分秒則不能推矣。真謂市人益驗文獻辨明驗疑。不
真古宗性强悍難制稍不如意卽糾黨互鬪喇嘛爲排解乃散其
受治流官凡事執自明舊規以爲說動肆桀驁後必有以處之。
那馬本蘭州民流居已不能考其時代姓氏男女衣飾雜用古宗
麼些之制而受制於麼些。土官頭人女嫁先已與人苟合有子
悉從嫁夫喜之旣嫁遂禁人近。人家女與人通父母不之禁其
兄知則殺通者。同堂之子女卽互配。死置屍於庭陳設死者

衣冠而哭姻婭弔於百步朋友弔於五十步攜尊酒灌屍口躡踊
卒哭而拜五日舁而焚之葬骨立墓歲時俱祭喪服尤嚴五世後
子姓姻亞皆有服先重後輕以次不遺故其人長年皆白衣也
巴苴元世祖取滇其隨從流落者不知其爲蒙古何部落也浪滄
江內板屋與麼些雜居男挽總髻耳帶銅環自建設以來亦知剃
髮衣服同麼些婦人辮髮爲細縷披於後瑪瑙硨磲爲串繞於
頂垂於肩行作錚鏦之聲頂覆青布衣盤領及腹裙如鐘掩膝不
著袴賺裹毡跣足能辟纏縫紉兄弟死婦女歸於一人
栗栗男挽髻戴簪編麥草爲纓絡綴於髮閒黃銅勒束額耳帶銅

草木爲和合藥男女相悅暗投其衣遂奔而從 婚以牛聘喪則
棄屍 借貸刻木爲契負約則延巫祝釜熬沸膏爲誓能手不爛
者爲直一切賭信同然 性剛很嗜殺然麼些土官頭目猶能制
年奉頭目麥黍共五升新春必率而拜焉 粟粟一種在滇爲夷
中最劣維西者受制麼些猶云馴順

怒子居怒江內界連緬甸素號野夷男女披髮面刺青文首勒紅
藤麻布短衣男著袴女以裙俱跣履竹爲屋編竹爲垣穀產黍麥
蔬產薯蕷獵禽獸以佐食無鹽無馬騾無盜賊路不拾遺非禦虎

豹外戶可不扁人精爲竹器織紅紋麻布磨些不遠千里往購之
性怯懦常苦粟粟侵凌雍正八年聞維西已設官建城因貢黃蠟
八十觔麻布十五疋山驢皮十鹿皮二十求納爲民永爲定例官
爲上聞 奏許之犒以砂鹽官爲嚴諭頭目約束粟粟毋侵犯邇
年其人以所產黃連入售內地夷人亦多負鹽至其地交易其人
敬禮而膳之不取值且衛之出自入貢以來受約束知法度省志
謂其剛很好殺過矣

喇嘛有紅黃兩種蓋佛教本天竺

在怒子國西

相傳達摩起教至今已

千六百餘年矣本紅教也黃教宗客巴在明永樂時從紅教自別